



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hymni Ecclesiastici Novo Cultu Adornati

Clairé, Martin

Parisiis, 1676

Feria Secunda.

urn:nbn:de:hbz:466:1-12077

46 H Y M N I

Qui mane jungens vesperi,
Noctem diurno sideri,
Dies facis cum noctibus,
Da juge lumen cordibus.

Ne mens sit astu dæmonis,
Cælestis exors luminis,
Dum se caducis inficit,
Culpisque culpas adjicit.

Sit pro salute mentium,
Unum, salus, negotium;
Amor sit unus Numinis,
Sit unus horror criminis.

Omnis Deo sit gloria,
Qui trinus, unus omnia
Miro creavit ordine,
Summoque servat numine. Amen.

F E R I A S E C U N D A.

I M M E N S E factor ætheris,
Qui lege certâ fœderis,
Aquas supernas finibus
Sejungis à terrestribus.

Fac pro tua clementia,
Non excidamus gratiâ;
Ne quod novum piaculum
Majus creet periculum.

ECCLESIASTICI. 47

Menti fides affulgeat,
Ignésque sacros augeat:
Hanc nulla ludat vanitas,
Hanc firmet omnis veritas.

Omnis Deo sit gloria,
Qui trinus, unus omnia
Miro creavit ordine,
Summoque servat numine. Amen.

FERIA TERTIA.

QUi das aquarum gurgites,
Maríque ponis limites,
Terram locans immobilem,
Omníque fructu fertilem.

Tu cordis hoc de marmore,
Gravíque mentis frigore
Educ aquarum flumina,
Ad eluendum crimina.

Hoc lota mens in æquore,
Nitescat omni tempore;
Nullis adhærens sordibus,
Cunctis studens virtutibus.

Omnis Deo sit gloria,
Qui trinus, unus omnia
Miro creavit ordine
Summóque servat numine. Amen.